

明待別裁集


九五十

本庄

113

1112

5



65

60

55

4 13
1112
卷 5

明詩別裁集卷九目錄

張佳胤

四首

梁有譽

二首

吳國倫

六首

徐中行

二首

宗臣

三首

張九一

一首

王世懋

二首

明詩別裁集

卷九目錄

一

正十五年二月
寄贈

011702039179

潘緯 一首

張邦伊 一首

戚繼光 一首

歐大任 四首

張元凱 一首

陳鶴 二首

徐渭 一首

沈明臣 二首

唐詩 一首

黃姬水 一首

袁景休 一首

嵇元夫 二首

居節 一首

孫良器 一首

王叔承 一首

王穉登 三首

汪時元 一首

蔡文範 二首

黃洪憲 一首

李三才 一首

朱期至 一首

馮琦 一首

朱國祚 三首

徐學聚 一首

湯顯祖 一首

徐燠 十五首

陶望齡 一首

高攀龍 五首

傅新德 一首

區大相 四首

鄭明選 三首

歸子慕 九首

明詩別裁集卷九

沈德潛 碣石

長洲 周 準 欽 萊 同 輯

張佳胤 佳胤字肖甫 銅梁人 嘉靖庚戌進士 官至兵部尚書 加太子

子太保 贈少保 謚襄敏 少保詩時 露警拔 陳卧子 重其雅 稱為李王

勁後

烏蠻灘

烏蠻灘前石齒齒 盤渦轉地驚濤起 險絕

空傳灑灑堆估客帆檣愁欲死。萬里江源
異域來。石出夜郎左交趾。青天赤日毒霧
合。跼跼飛鷲隨深水。我本西梁道上人。瘴
鄉奔逐胡為爾。停舟一奠伏波祠。丹荔黃
蕉前致詞。英雄心事無今古。神物風雲各
有時。銅柱功名倘難就。澤車欵段任吾之。

宿黃牛峽

春到黃牛峽。江辭白帝城。楚雲高不落。巴
水去無聲。絕塞書難得。孤舟月更明。櫂歌
聽自短。幾處夜猿鳴。

赴雁門聞虜退去呈揚中丞

驅車九月度飛狐。萬里霜淒塞草枯。白馬
偶來逢使者。黃沙何處走單于。胡雲夜動
雙龍匣。漢日秋懸八陣圖。一自雁門留李
牧。邊關烽火至今無。

登函關城樓

樓上春雲雉堞齊。秦川芳草自萋萋。黃昏
雨後。河流急。青入窓中。華岳低。客久獨憑
三尺劍。時清何用一丸泥。登高遠眺。鄉心
起。關樹重遮黃嶺西。

梁有譽

有譽字公實。順德人。嘉靖庚戌進士。官刑吏主事。

姑蘇懷古

看山幾日到吳中。遊客登臨感慨同。金虎
跡荒靈氣滅。水犀軍散霸圖空。春歸茂苑
烏啼月。花落橫塘蝶怨風。誰識倦游心。獨
苦扁舟長憶五湖東。

燕京感懷

塵塞戈鋌血未乾。龍庭烽火報長安。擬擒
頡利先開幕。欲拜嫫姚更築壇。青海月明
胡馬動。黃榆風急皂鵬寒。材官羽騎多如
雨。夜夜旄頭倚劍看。

吳國倫

國倫字明卿。興國人。嘉靖庚戌進士。官至河南參政。

送徐行父少參赴闕內

咸陽天下險。洛邑天下中。潼關睥睨周。西
 東君自三川。歷三輔。分陝經營王命同。登
 車恍慨千人雄。矯若八翼凌蒼穹。左馮翊。
 右扶風。漢關秦畿指顧通。為將匣裡雙龍
 劍。擲作天邊二華峰。

得元乘書

已道還江縣。猶然滯海門。別來新鬼哭。書
 至故人存。萬死懸兵力。孤忠藉主恩。豈無
 排難意。畏路不堪論。善偷杜意

高州雜詠

粵南天欲盡。風氣迴難持。一日更裘葛。三
 家雜漢夷。鬼符書辟瘴。蠻鼓奏登陴。遙夜
 西歸夢。惟應海月知。風土詩須此奇警之筆方寫得生動

鄱陽湖

欲向匡廬卧白雲。宮亭水色晝氤氳。千山

日射魚龍窟。萬里霜寒鴈鷺群。浪擁帆檣天際下。星蟠吳楚鏡中分。東南歲暮仍聲鼓。莫遺孤舟逐客聞。

送姜太史節之使楚王

天子分桐葉。詞臣下柏梁。共憐星是使。况乃玉為堂。江漢環宗國。風雲護帝鄉。居人思過沛。太史復浮湘。地險東南勝。藩盟帶礪長。晴山開綺節。高浪出牙樯。楊柳停旌艷。椒蘭設醴芳。樓臺招鶴馭。環珮憶鸞行。六博中原路。雙鋒北斗傍。緘書如有意。歸雁自衡陽。

寄遠曲

章臺楊柳綠如雲。憶折南枝早贈君。一夜東風人萬里。可憐飛絮已紛紛。

徐中行

中行字子與。長與人嘉靖庚戌進士官至江西左布政使。

暮發滁陽

荒城一騎出。落日萬峰西。澗水流人影。松陰散馬蹄。懸崖青欲滴。芳草綠堪迷。洵美非吾土。翻然憶故溪。

盤江驛阻雨寄門人汪維

天連益部長多雨。路出盤江况毒淫。春早蟄龍蒸赤水。夜深山鬼嘯青林。已憐道遠妻孥累。更恐年衰瘴癘侵。吹笛袁生應好在。懷予堪和武溪吟。結用爰寄生事恰與門人開合

宗

臣

臣字子相興化人嘉靖癸丑進士官至福建提學副使

登雲門諸山

山頭月白雲英英。千峰倒插千江明。手把芙蓉步石壁。蒼翠亂射猿鳥驚。誰其雲外吹紫笙。欲來不來空復情。天風吹我佩蕭颯。恍疑身在崑崙行。

雨夜沈二丈至

榻有何人下。君能此夜過。寒蟬吳客賦。衰

鳳楚人歌。雨氣千江入。秋聲萬木多。明朝
寒浦望。搖落有漁蓑。

長庚純一舜隆既別憶之

一別不自意。茫然空復愁。孤舟仍盜賊。多
病已春秋。明月半江水。故人何處樓。風塵
雙淚眼。為我寄滄洲。

張九一九進士助甫新蔡人嘉靖癸

命部御史撫寧夏

寄見甫弟

歷盡巴山白髮新。西風何處不傷神。馬曹
蹭蹬官難達。鳥道崎嶇老更貧。九派長江
春後。鴈一年芳草夢中人。相思况是無消
息。徒倚天涯涕淚頻。

王世懋世懋字敬美太倉州人元美弟嘉靖己未進士官至太常

寺少卿

送李太史元甫册封蜀藩

明詩別裁集

卷九

七

玉檢金泥出大庭。雙旌萬里去冥冥。漢宮
 朝。浥仙人露。益部宵占使者星。巫峽雲中
 流。濯錦峨眉天半落。空青先驅恥作臨邛
 客。橐筆重題劍閣銘。

橫塘春泛

吳姬小館碧紗窓。十里飛花點玉缸。蠟屐
 去尋芳草路。青絲留醉木蘭艫。山連暮靄
 迷前浦。雲擁春流入遠江。棹裡長干聽一

曲烟波起處白鷗雙

潘

緯

緯字仲文歙縣人

送友人北遊

樽酒慰行軒。交深敢贈言。經過鄭莊驛。好
 問孟嘗門。一諾休輕許。千金未是恩。年來
 長送客。此意不曾論。

張邦伊

邦伊字孺覺鄆縣人少以

沈嘉則有三楚之遊席上得分字

春城斗酒惜離群。把袂高歌到夕曛。地入
衡陽三楚盡。天迴襄漢九江分。停舟夜聽
湘靈瑟。倚閣高寒鄂渚雲。知爾尚平家累
淺。逢人勝事好相聞。

戚繼光 繼光字元敬登州人。世襲衛千戶。以參將備倭浙東。破倭於台州。平海衛等處寇。平以都督同知。召理我政。出為薊鎮總兵。進左都督。加少保。

盤山絕頂

霜角一聲草木哀。雲頭對起石門開。朔風
虜酒不成醉。落葉歸鴉無數來。但使元戈
銷殺氣。未妨白髮老邊才。勒名峰上吾誰
與。故李將軍舞劍臺。
無意為詩。自足生趣。若郭定襄直於詩壇。置中之位。

歐大任 大任字楨伯。順德人。以歲貢選江都訓導。入為國子博士。終南京戶部郎中。

泊樅陽眺覽遂憶漢武之游

明詩別裁集 卷九 九

行役屆皖城。放舟下縱陽。原隍鬱無無。江
 波浩湯湯。憶在元封中。君王狩朱方。大江
 深且廣。及茲一葦航。彎弧射蛟臺。皇武何
 足當。宸游事既往。六合無回光。不見樓船
 還。空餘蕙蘭芳。追昔有虞氏。恭已垂衣裳。
 聖人重無為。君子貴豫防。覽古動悽惻。延
 佇增徬徨。

除夕九江舍

餞歲潯陽館。羈懷強笑歡。燭銷深夜酒。菜
 簇異鄉盤。淚每思親。隨書頻寄弟。看家人
 十程。遠應已夢長安。
一結憶及家人又於
 家人意中念已之夢

長安曲折往
 復善學少陵

九月十五夜月

瑤草三秋色。金風一夕寒。書緣多難絕。月
 在異鄉看。淒斷驚霜角。遲迴望露盤。刀頭
 今未定。誰最憶長安。

登宣府門樓

百二山河控上游。鬱蔥佳氣滿皇州。風驅大漠浮雲出。天轉滹沱落日流。雙闕金莖連北極。萬家紅樹動高秋。茱萸黃菊俱堪佩。獨上城南百尺樓。

張元凱

元凱字左虞吳縣人蘇州衛指揮

楓橋與送者別

楓橋秋水綠無涯。楓葉滿樹紅於花。萬里

之行纔十里。闔閭城頭尚堪指。遊子尊前

淚濕衣。離心已逐片帆飛。酒酣忘却身為

客。意欲元同送者歸。英雄兒女一齊下淚

陳鶴

鶴字鳴野山陰人世襲百戶五言如近海潮通郡連山

瘴入樓孤月常隨掉寒潮自到門頗近自然

夜坐寄朱仲開張甌江

坐久北風起。江聲帶遠沙。客愁初到鬢。鄉夢不離家。林靜無殘葉。燈寒有落花。懷君

滯羈旅雲海各天涯

卧病雙溪山館見月寄張有功

溪邊桑柘映雙流。病裡蕭條賦四愁。坐雨
幾宵方見月。別君一日已成秋。山深倦鶻
猶依樹。風定飛螢自上樓。託跡文園須共
遣。莫因鄉國嘆羈留。

徐渭 渭字文長
山陰人

懷陳將軍同甫

飛將遠從戎。翩翩氣自雄。推牛千嶂外。騎
象百蠻中。銅柱華封盡。昆池漢數空。雁飛
真不到。何處寄秋風。

沈明臣 明臣字嘉
則鄞縣人

顧晉卿席上聞其弟益卿憲副南

越之捷

廿年豺虎劇縱橫。百粵遙傳一日平。再觀
樓船橫海出。更標銅柱伏波名。天青馬嶂

春銷甲雨過龍川夜洗兵誰道虎頭非將
種請纓從古是書生

凱歌

銜枚夜度五千兵密領軍符號令明狹巷

短兵相接處殺人如草不聞聲嘉則與徐文長同在

胡少保宗憲幕少保常譙將士於爛柯山酒酣樂作嘉則於席上賦凱歌十章吟至

狹巷短兵二語少保起將其鬚曰何物沈郎雄快乃爾命工刺石置山上

唐詩詩字子言無錫人

橫江曲

家住橫江口年年傷暮春落花隨水去不
為待歸人

黃姬水姬水字淳父長洲縣學生

與友人共飲

青郊歇馬拂吳鉤萍聚天涯共白頭久客
新豐惟命酒長謠故國一登樓林殘半壑
飛寒雨潮落空江急暮流世路風烟悲去

住莫辭此日醉筵筵

袁景休

景休字孟逸吳縣人隱於卜

送沈嘉則遊中原兼訪戚將軍

中原此去欲如何。把酒聞君忼慨歌。
道上霜寒逢白雁。馬前木落見黃河。
五陵烟雨秋難盡。三輔風雲氣尚多。
記得少年曾學劍。壯心猶自憶廉頗。

松元夫

元夫字長即歸安人

刈稻夜歸

西莊刈稻夜半歸。明月皎皎當柴扉。
櫓聲隔岸人語近。斗柄插江霜氣微。
木葉蕭蕭覆林屋。蘆花茫茫藏釣磯。
兒童村南酒家去。野夫獨立風吹衣。

立秋日盧溝送新鄭少師相公

單車去國路悠悠。綠樹鳴蟬又早秋。
燕市傷心供帳薄。鳳城回首暮雲浮。
徒聞後騎

宣乘傳不見群公疏請留三載布衣門下

客送君垂淚過盧溝此江陵與司禮監馮保逐新鄭相公事也

無位之士為之垂淚足徵公論在人

居節節字士貞吳縣人

晚坐

鴉背夕陽盡柴門暮色初山寒漸風露人

語半樵漁落葉聞砧急蘆花映月踈年年

楚江上不見雁將書

孫良器良器字真甫休寧人

過姑蘇有感

東吳城外盡烽烟百姓流移半在船為問

秋風舊來雁稻梁今有幾家田此詩應是倭寇之後

經過所作比江雁初歸不見其人其聲又蕭颯矣

王叔承叔承字承父吳江人

風雨泛太湖宿松陵長橋漫興

群飛鷗鷺去不極予亦揚帆赴杳冥灑鬢

湖風寒氣白。打船春兩浪。花青水邊萬樹。
來江縣。雲裡雙峰出。洞庭七十二橋燈火。
亂野烟。酷酒宿漁汀。

王穉登

穉登字百穀長洲人國子監生

塘栖道中

水濶兩冥冥。帆飛去不停。人聲兩涯斷。魚
市一江腥。雲已辭吳白。山初到越青。侯芭
數行淚。千里弔元經。

聞警

交河十月水潺潺。虜騎秋高過黑山。六郡
平時元近塞。一夫誰箇可當關。雲中太守
須重起。日逐賢王未肯還。空抱平胡二三
策。書生無計謁龍顏。

袁相國故居訪李孝甫太僕

魚文七首不離身。馬踏長安市裏塵。重過
楊家舊亭子。深悲侯氏老門人。朱欄易主

花無色。青眼逢君酒可親。同是中郎琴畔客。一般憔悴各沾巾。

汪時元時元字惟一休寧人

九日舟中

秋風葉正飛。江上逢重九。人世幾登高。寂

寞黃花酒。只此已足

蔡文範文範字伯華新昌人隆慶戊辰進士歷官廣東布政司參

議。隆慶以後詩教漸衰故所從略

自瀛德至東昌道中雜詩

聞道張秋決。先朝慮獨深。名山標戊巳。奉使失辛壬。地控支祈鎖。天寒象罔沉。誰知神禹蹟。疏鑿本無心。

遊南岳

縹緲仙臺紫氣浮。烟籠玉座儼垂旒。地包荆楚標南紀。江合沅湘向北流。牲帛千秋周祀典。衣冠五月舜諸侯。塵緣未斷慚仙

骨。金簡雲書何處求。

黃洪憲

洪憲字懋忠嘉興人隆慶辛未進士改庶吉士官至少詹

事掌翰林院事

山海關

長城古堞俯滄瀛。百二河山擁上京。銀海仙槎來漢使。玉關秋草戍秦兵。星臨尾部雙龍合。月照平沙萬馬明。聞到遼陽飛羽急。書生急欲請長纓。

李三才

三才字道夫臨潼人萬曆甲戌進士官至戶部尚書

送許郎中轉餉薊密諸鎮

重鎮經行遠。清秋離別難。和戎兼漢策。轉餉命秦官。朔雁驚風下。邊雲入夜寒。都亭尊酒罷。落葉滿征鞍。

朱期至

期至字子得蘄水人萬曆甲戌進士官懷慶知府

送蔣太守之瓊州

五羊南去客心孤。銅柱遙分使者符。為語

越裳諸屬國。清時不用貢珊瑚。從張謂戲杜侍御送

貢物詩翻此能尊國體

馮

琦

琦字用韞臨朐人萬歷丁丑進士官至吏部侍郎贈禮部

尚書謚襄敏

題三娘子畫象

紅妝一隊陰山下。亂點醜醜醉朔野。塞外

爭傳娘子軍。邊頭不牧烏孫馬。此為忠順夫人作

朱國祚

國祚字兆隆秀水人萬歷癸未賜進士第一官至南京禮

部尚書入東閣後加少傅贈太傅謚文敏

經寧庶人廢苑

吳漢何知反。劉安但自尊。魚臨時不利。雞

犬爾焉存。倖已儒臣獲。軍猶鎮國屯。白頭

遺老在。尚說獻王孫。

西山謁景皇帝陵

戾園悽斷白楊風。黃瓦今看天壽同。北狩

專馳通問使。南還偏賞奪門功。若教守土

盟城下。安得蒙塵返域中。多少諫臣司耳

目。昌言翻賴校官忠。

追復景皇帝諡號由荆門州訓導高瑤上

疏言之

恭謁慶陵作

講。幄。頻。趨。鶴。籞。深。重。來。就。日。慘。棠。陰。十。年。始。受。東。朝。冊。一。月。真。傾。下。土。心。視。權。盡。收。中。使。節。披。沙。罷。採。州。人。金。最。愁。日。歷。書。難。既。龍。去。烏。號。涕。不。禁。

徐學聚

學聚字敬輿蘭谿人萬曆癸未進士官至右僉都御史巡

撫福建

夜宿日觀峰禪房

岱宗面面削芙蓉。時有卿雲出漢封。杖屨中天千象緯。風烟下界起蛟龍。河流舊繞滄溟遠。練影斜懸紫翠重。夜半石牀天籟發。夢中錯認景陽鐘。

湯顯祖

顯祖字義仍臨川人萬曆癸未進士官南京禮部主事謫

典史量移
知遂昌縣

送別劉大甫

欲別悲歌難又鳴。白頭無計與書生。恩讐未盡心難死。獨向田橫島上行。

徐燧。燧字惟和。聞縣人。萬曆戊子舉人。惟和近醉宗法。唐人在

詩道冗雜。時遇之如沙礫。中得簡珠也。七言絕尤能作情。至語在李庶子

鄭都官
之間

銅雀妓

銅臺遺令在。玉座主恩非。舊曲流哀管。餘香散舞衣。總惟空寂寞。羅綺失光輝。日日西陵望。君王歸不歸。

陳价夫歸自崖州談粵中山水因

懷舊遊

朱崖彈鋏動經年。醉向黎姬酒肆眠。笑語自存豪士氣。衣裳猶帶島夷烟。波羅老去甘如蜜。萋葉開時小似錢。十載遊蹤俱是

夢不堪重聽舊山川

送人遊吳楚

津亭烟柳綠垂絲。萬里關山匹馬遲。去國正當秋盡後。登樓多在日斜時。楚江草長悲鸚鵡。吳苑花深走鹿麋。話別何須共惆悵。秋風搖落是歸期。

旅次石頭岸

石頭城下水微茫。回首鄉關驛路長。瓜步烟波連斷靄。秦淮雲樹隔斜陽。秋高落木見村舍。夜靜寒潮到女牆。客裡愁心已如此。一聞南雁更淒涼。

金陵故宮

先朝遺殿閉塵埃。零落空勞過客哀。五夜銅壺乾罷滴。六宮金鎖澀難開。翠華逝後全無跡。羅綺焚餘自有灰。弓劍盡埋烟雨冷。椒房一半上莓苔。

閱五六知當時初無遜國之事蓋帝與后

同在灰燼中也史氏致身錄之誣神廟時人俱能言之得錢牧齋諸人之辨益明

送李太守擢憲滇南

昆明池水靜無波。擁傳新從棘道過。開府定能寬漢法。采詩自可入蠻歌。趁墟滇客龍名市。納款蠻王象渡河。他日勤功留片碣。點蒼如黛石嵯峨。

訪梅禹金秦淮客舍

舟過長干問客星。風流不用嘆飄零。一秋桃葉居淮水。時同小姬十月梅花夢敬亭。遊遍南朝故宮地。翻殘西竺淨名經。贈君欲折藏鴉柳。滿目長堤何處青。

武夷溪口送惟起弟

青山遊侶散紛紛。况復臨歧遠送君。兩地鴈鴻難顧影。一時鸞鶴絕離群。人從杜若洲邊去。路在桃花洞口分。明發登高各惆悵。鷺溪斜日幔亭雲。

丹陽遇陳十八

丹陽渡口遇同鄉。欲語忽忽怨夕陽。君返江南我江北。雲山千疊斷人腸。

長門怨

芳草何時輦路通。長門花鳥自春風。祇緣薄命難承寵。豈是相如賦未工。

郵亭殘花

征途微雨動春寒。片片飛花馬上殘。試問

亭前來往客。幾人花在故園看。絕句七章詞不必麗

意不必深而婉轉關生竟一種至情餘於意言之外

酒店逢李大

偶向新豐市裡過。故人尊酒共悲歌。十年別淚知多少。不道相逢淚更多。

芋江驛樓送張四之白下

春風吹柳萬條斜。極目金陵隔暮霞。不必相思當後夜。片帆開處即天涯。

禦兒舟中別朗公

月下談深睡已遲。滿身涼露夜何其。雞聲未斷鐘聲起。又是江頭欲別時。

寄弟

春風送客翻愁客。客路逢春不當春。寄語鶯聲休便老。天涯猶有未歸人。

陶望齡 望齡字周望會稽人萬曆已丑賜進士第二官至國子祭

酒卒謚文簡

沛縣過高帝廟

路經舊沛山川古。龍起中原戰鬪多。一代雄圖開赤帝。千秋遺廟傍黃河。雲歸尚識真人氣。風起猶傳猛士歌。魂魄來遊長此地。漢宮秋色近如何。

高攀龍 攀龍字雲從無錫人萬曆己丑進士歷官至左都御史坐

忤逆闕削籍被逮赴水死贈太子少保兵部尚書謚忠憲。忠憲詩無心學陶天趣自會羽翼名教人非風雅壤一派為高益信定山甘泉非風雅

之宗也

水居

薄暮登樓。四望遠疇。時雨既降。農人乍休。
乳燕來止。鯨魚出游。萬族有樂。五心何憂。
中有元化。偶然得之。

夏日閑居

長夏此靜坐。終日無一言。問君何所為。無事心自閑。
細雨漁舟歸。兒童喧樹間。北風忽南來。落日在遠山。
顧此有好懷。酌酒遂陶然。池中鷗飛去。兩兩復來還。

湖上問居季思子往適至

正爾山水間。念我烟霞友。春風吹微波。日暮倚楊柳。
我友惠然至。童僕喜奔走。相別嘆幾時。相逢慮不久。
所歡得晤言。欲言仍無有。默默各自怡。一室間相偶。
夜深不能寐。明月在東牖。

夜步

幽人夜未眠。月出每孤往。繁林亂螢照。村屋人語響。宿鳥時一鳴。草徑露微上。欣然意有會。誰與共心賞。

攷光靜坐

偶來山中坐。兀兀淡旬餘。淡然心無事。死若生。民初流泉當几席。衆山立庭除。高樹依巖秀。修篁夾路疎。所至得心賞。終日忻忻如流光。易蹉跎。此日良不虛。寄言繕性者。速駕深山居。

傅新德

新德字元明定襄人萬歷己丑進士官至國子發酒贈禮

部右侍郎謚文恪

送郭青字參藩巴蜀

殊方幾載嘆離群。忽漫相逢又送君。萬里江湖龍劍合。一尊風雨薊門分。岷岷迴出天連雪。棧閣平臨馬度雲。蜀相威名應不

負他時消息好相聞。

區大相

大相字用孺廣南高明人萬歷己丑進士官翰林檢討

贊善中允

家人初至京置酒亭中對雪作

庭霰今朝集家筵此日開不知燕地雪猶

訝故園梅玉袖承花出珠簾捲絮迴瑤華

雖可贈留賞上春來

中允海南人海南無雪故領聯特妙頸聯

亦秀艷香霧雲

送何儀部稚孝謫桂林

長沙非不遠南去更蕭森謫官楚山盡獨

行湘水深鄉書同雁少官舍共猿吟今夕

懷人夢隨君到桂林

南行感懷

聞道貂璫輩由來為掃除先朝煩鎮守重

任典方輿貢來山川竭徵輸井邑虛明明

皇祖訓官府意何如時礦稅之使紛紜四出至寺人職掃除者

列坐督撫之上小民窮瘁幾於賦茗華歌
莫楚矣詩中念祖訓正以慨時事之非也

入羅滂水

井邑新安集。閭閻雜漢搖。火耕春伐木。山
獵夜歸樵。潮響蠻溪合。林光瘴峒消。直須
勤撫字。勿使困征徭。

鄭明選

明選字子升侯官人萬歷己丑進士官南京刑科給事中

感懷

黃虞世已遠。大道漸陵遲。十室八九空。奸
邪乃猖披。法今日以繁。盜賊日以滋。宜尼
相魯國。道路不拾遺。君子正其本。禮義將
自治。莫以鞭與轡。能使疲馬馳。莫以刑與
戮。能使風俗移。長吏苟有闕。三尺將安施。

恭聞冊立皇太子喜而賦詩

少海初流潤。前星已麗空。九重原獨斷。四
皓本無功。鶴馭丹霄上。龍樓紫禁東。君王
有金鑑。早晚賜春宮。
神廟為鄭妃故屢欲
建立福王迫於公議

而止作者歸本九重獨斷
立言之辭故應温厚也

十五夜寫懷

明月孤懸夜。空齋獨坐人。地平連海岳。天
濶散星辰。祿米悲親沒。柴門憶弟貧。吾生
無限事。况感百年身。

歸子慕

子慕字季思崑山人萬歷辛卯舉人崇禎時追贈翰林待詔。待詔詩雅淡清真。筆氣童冠。無非樂趣。生平與高忠憲公敦道義交。詩品亦略相似。所云同心之言也。

對客

默然對客坐。竟坐無一語。亦欲通殷勤。尋
思子無取。好言不關情。諒非君所語。坦懷
兩相忘。何害我與汝。

城北初夏

三見草木榮。栖栖猶未旋。偶與城市遠。因
耽此地偏。獨館背清池。一無俗事牽。晨興
課書罷。日午蛙聲喧。出門見新秧。微綠映

遠田久晴初得雨。稚子亦欣然。田父說歲
占。今茲定有年。物情既如此。予樂復何言。

淡然無意太
羹元酒之遺

雜詩

日出群動作。智計千萬端。用此徒為勞。不
用殊未安。所繇在有身。坐令思慮殫。所以
右賢達。與物同一觀。俯仰放懷抱。宇宙何
其寬。

館城北

妻孥昔居城。我淹江上廬。妻孥來江上。我
去城北居。城北何所事。二三喜從余。既愛
童子真。且得人事疎。長夏北窓竹。風吹几
案書。坐看牆外帆。樹中去徐徐。中情苟無
繫。觸物皆有餘。今茲對佳節。正值秋風初。
香稻感我情。歸食空江魚。小女解思父。一
見當何如。

壬辰正月西村築室成

經始逼歲除。春肇室云考。結構稱心為。彌
 拙亦彌好。村樹既羅列。溪流亦潨沓。北牖
 移修篁。南圃藝藥草。室中圖與書。間暇可
 採討。農人理耨鋤。念此歲供早。顧我長負
 疴。不耕慚亦飽。

移居

冉冉歲云暮。寒風動林於。言辭東村宅。去
 遠西村廬。豈無舊巢戀。歡與吾仲俱。西村
 况不遠。相去一里餘。回瞻竹樹間。炊烟出
 前厨。吾病四十衰。厭厭日不如。憂患易反
 本。戚戚念友于。安得我叔氏。亦復來此居
 遙望城中山。引領空嗟吁。

丙寅六月過吳子往菽秋菴

蕭瑟湖上廬。六月如清秋。涼雨過柴門。綠
 楊風颺颺。水濱一穉子。洋洋何所求。終日

無一魚持竿釣不休問之向我笑使我心

忘憂諸詠有物我同得之趣覺月到天

歸江上

去年冬盡歸室家尚完好兒女曝擔隈牆
頭日杲杲今年冬盡歸離憂不可道中饋
閒無人虛堂塵不掃一兒依外家兩女傍
兄嫂奚獨天運乖謀生亦草草人世骨肉
綠尚爾不可保而况一切營何足櫻懷杞
久矣吾行迷回車苦不早

歲暮別諸生

惻惻不可道臨歧但依依常恐語言多貌
勝中情微感茲寒色厲北風吹爾衣歲暮
家室情各各念爾歸群居雖云樂人情諒
難違所患不同心不患相見稀尼父重久
要如醴久已非勗我儀先民雅道庶可幾

人人胸臆中語便是至情視華子潛詩
只學得陶公形象所謂得其皮骨者也

明詩別裁集

卷九

目錄

明詩別裁集卷九

明詩別裁集卷十目錄

謝肇淛 四首

袁宏道 一首

曹學佺 八首

蔡毅中 一首

公 萬 三首

李流芳 四首

唐時升 二首

明詩別裁集

卷十目錄

一

程嘉燧 四首

楊 漣 一首

王象春 一首

賀萬祚 一首

高道素 一首

陳鳴鶴 一首

周永年 一首

王人鑑 一首

吳稼登 一首

宋登春 一首

孫友篋 一首

俞安期 三首

何 白 一首

鄭 琰 一首

盛鳴世 一首

沈 木 一首

王屋 二首

吳夢暘 一首

范汭 二首

吳兆 一首

徐爌 三首

文震孟 一首

徐石麟 一首

倪元璐 一首

蔣燦 二首

徐汧 一首

萬壽祺 二首

馬世奇 一首

楊廷麟 一首

張溥 一首

姜埰 一首

顧咸正 一首

陳宗之 一首

謝 遴 一首

吳本泰 一首

萬 泰 一首

閻爾梅 一首

劉永錫 一首

陳子龍 十九首

明詩別裁集卷十

長洲 沈德潛確士 同輯

周 準欽菜

謝肇淛

肇淛字在枕長樂人萬歷壬辰進士官至廣西左布政使

秋日邀龍君御同鍾伯敬林茂之

賦詩君御時將赴湟中

營道植高操。大音謝俗機。誰云京洛塵。而能淄素衣。前蹤既云邈。後會安可希。斗酒

自斟酌蟹螯秋正肥南陸有殘暑西山無
留暉不知松際月已挂花間扉雜坐忘馨
折緒談聞芬菲君今赴河湟戎馬生郊畿
白面誰見賞青雲願多違舊歡意未決新
離淚仍揮余亦倦遊者因之歌式微

送徐興公還家

楓落空江生凍烟西風羸馬不勝鞭冰消
浙水知家近春到閩山在客先斜日雁邊
看故國孤帆雪裡過殘年憐予久負寒鷗
約魂夢從君碧海天

春怨

長信多春草愁中次第生君王行不到漸
與玉階平

秋怨

明月憐團扇西風怯綺羅低垂雲母帳不
忍見銀河

袁宏道

宏道字無學公安人萬曆士辰進士官吏部郎中公安

一兄弟意矯王李之弊而入於俳諧又

知竟陵之衰而不知公安一派先之也

感事

湘山晴色遠微微。盡日江邊取醉歸。不見
兩關傳露布。尚聞三殿未垂衣。邊防自古
無中下。朝論於今有是非。日暮平沙秋草
亂。一雙白鳥避人飛。

曹學佺

學佺字能始侯官人萬曆乙未進士歷官參議廣西天啓

中以闖禍除名為民崇禎初起復廣西疏辭不赴家居二十餘年殉節死

夜泊彭山江口

錦城平日暖。旅泊始知寒。捷蜀中分地。岷
峨相向看。岡連三女冢。水疾二郎灘。蘆葦
風吹急。蕭蕭漢將壇。岑彭遇害此地有彭亡之稱

泰昌皇帝輓歌

龍馭升遐日。封章滿御牀。施行猶令旨。德

意自先皇沛若江湖決。俄然石火光更聞。
 哀詔到能不淚沾裳。龍馭升遐謂神宗更聞哀詔謂光宗
 勸進箋三上。騰歡遍九垓。逐臣皆召用。中
 使盡收回。貨賤昭先儉。心勞集相才。大工
 湏計日。久矣拍梁災。
 罷稅不停徵。邊庭歲用增。金錢溢輸輓。士
 馬飽飛騰。北闕聞天語。東隅望日升。那堪
 遽辭世。倉卒治山陵。

九轉神丹秘。三旬帝業終。春秋書法謹。中
 外揣摩窮。兩泣將填卷。攀髯或墮弓。由來
 戮方士。豈但為無功。

過木瀆

指點十三橋。迎船半柳條。夕陽潮正滿。春
 草岍俱遙。琢研開山市。為園灌藥苗。賣錫
 時節近。處處有吹簫。琢研種花風士自昔寫來光景如画

送陳民部出守思州

言辭粉署重淒淒。道路時聞征馬嘶。日照
夢懸鄉樹外。夜郎吟向郡樓西。竹雞群裡
登峨嶼。銅鼓聲中出朗溪。我欲白門攀柳
送相思。此夜有烏啼。

八月朔日王元直招集南樓送陳
汝翔之東粵王玉生之清漳沈從
先還姑蘇徐興公之建溪陳維尋
之聊城蔣之才之廣陵予返白下

西風蕭瑟動離顏。一樹衰楊不剩攀。秋老
幾人猶白社。月明無主自青山。征途南北
高樓外。客淚縱橫杯酒間。此別紛紛難聚
首。天涯那許夢魂閒。

蔡毅中

毅中字宏甫光山人萬歷辛
丑進士官至禮部右侍郎

秋興

木落江空天氣清。西風蕭颯雁南征。浮雲
暗逐年華變。岐路虛憐短髮生。千里關河

懸客夢萬家砧杵動秋聲。崇蘭芳芷依然在何處江潭弔屈平。

公介 勇勇字孝與蒙陰人萬歷辛丑進士官至禮部右侍郎謚文

詠石

古人獲我心善達窮通理安危慮所居屈伸貴自己已貴可復賤中立常不倚衰至易生驕腊毒恒在美薛公僅遺榮疏傳庶知止寥廓晞冥鴻贈繳安可擬

穆陵關

昔日齊侯履南疆盡此封。諸山沂作鎮五兵岱為宗。霸國猶餘業重關識舊蹤。故園相去近回首海雲重。

諸將

上谷漁陽拱帝京。相連河外受降城。一從塞馬來南牧。遂使王師罷北征。絕徼尚傳

青海箭。中原新動綠林兵。主憂正值宵衣日。誰向天山答太平。

李流芳

流芳字長蘅嘉定人萬歷丙午舉人嘉定四君中以檀園

為上雖漸染習氣而風骨自高不能掩其真性靈也

過臯亭龍居灣宿永慶禪院同一

濂澄心恒可諸上人步月

歸裝出西湖。間道向黃鶴。屢愆桐塢期。偶遂龍居諾。輕舟凌晨風。遙山滿晴郭。丹林

尚可數寒條。紛無託披松。指微徑。聽水捫

暗壑。新構爭遠勢。平臺攬搖落。霜餘山容

淺。天清海氣薄。暫歇塵勞心。始知寂滅樂。

每多方外遊。見僧即如故。燈明一龕下。夜

長愜深晤。不知山月上。千林已流素。出門

尋舊溪。愛踏松影路。氣和空宇澄。寒魄如

春露。幽泉洗我心。微鐘杳然度。讀第二章如見東坡

承天寺夜遊光景

白門七夕

時將入燕

舊日維舟處。懸情獨柳條。秋風又京國。客思正江潮。長路有時到。歡期難再邀。徘徊望牛女。愁絕向中宵。

黃河夜泊

明月黃河夜。寒沙似戰場。奔流聒地響。平野到天荒。吳會書難達。燕臺路正長。男兒久為客。不辨是他鄉。

唐時升

時升字叔達嘉定人

南翔里有八老人為社長者年九十四少者年八十二居止不一二里耄耄相望杯酒談笑日相娛樂誠太平盛事詩以紀之

白鶴村頭春日曉。香霧濛濛百花好。蒼顏素髮八老人。花前置酒相傾倒。笑說鄰翁學語時。追談邑子知名早。不知主客更勸

酬爭引曾玄互提抱。今年孟春甲子晴。占
云麻麥俱豐成。坐中祭酒九十四。敬酌社
公昔且清。其間迭起拜更祝。但願脚健雙
眸明。桂林從事八十一。只聞喚弟無呼兄。
南村翳翳桑榆日。出共持杯歸散帙。但課
兒孫種黍苗。何知方士餐芝朮。香山居士
有遺篇。九十不衰真地仙。公等康健逢聖
世。能無旦暮歌皇天。願炊香飯林釀酒。日
奉杖屨長周旋。武皇遺事多訛謬。欲問鑿
輿南幸年。

薛侍御出按貴州便道歸雲南省
覲

繡衣持節出長安。南入牂牁路萬盤。重箬
濕雲常欲雨。點蒼晴雪不知寒。登車自掃
豺狼迹。問寢應彈獬豸冠。遙憶樹頭新酒
熟。雲南人釀刺桐花下正承歡。

程嘉燧嘉燧字孟陽詩亦娟秀少塵自

錢收齋訾警李何王李諸人推孟陽

為一代宗主幾與高季迪李賓之前

後相埒矣而陽羨邵子湘有心矯枉

摘其累句云爭倚画橈衝妓席獨橫

未袖占歌筵亦知終去婚和嫁且戀

間來弟勸兄近逐歌喉酒闖席間開

笑靨待歌船間偃串迹不圓留面戲劇

鞞痕曲印肩年去負來不自由暗傷

顏面向交遊等句謂其穢褻俚俗幾

於身無完膚矣予錄其氣清格整去

風雅未遠者四章見孟陽自有真詩

勿因收齋之過許而毛舉其疵以掩

值唐叔達同錢將軍北上言別

方舟然燭夜相過道上匆匆奈別何我已

三年懷錦里君偏五月渡黃河南遊誰共

烟花早北上兼聞金鼓多此別各懷無限

意莫將春淚點江波

送李中翰還朝

漢家宮闕枕燕關使者乘槎八月還吳地

潦平猶似海廣陵濤壯正如山同舟夜醉

神仙侶染翰春隨供奉班聞道滄溟今未
息幾回溝壑動愁顏

閭門訪舊作

悵望吳閭百里餘故園兄弟日應疎多年
華鬢絲相似二月春愁水不如歌扇舊分
挑葉渡釣舫還傍藕花居掃眉才子何由
見一訊橋邊女校書

登樓

少小聽歌怕唱愁一聲楚尾與吳頭如今
身在傷心地但見春光莫上樓

楊連進士文孺應山人萬歷丁未

勅魏閣二十四大罪被逮死鎮撫司

題柏子園青雲閣

官閣凌空汶水深金甌初動客登臨浮雲
易改三山色落葉先驚萬里心江上美人
遺雜佩城南少婦拭清砧繁臺兔苑今未

黍日暮憑欄思不禁

王象春

象春字季木濟南新城人萬曆庚戌進士官至吏部郎中

書項王廟壁

三章既沛秦川雨。入關又縱阿房炬。漢王真龍項王虎。王垓三提王不語。鼎上打羹棄翁姥。項王真龍漢王鼠。垓下美人泣楚歌。定陶美人泣楚舞。真龍亦鼠虎亦鼠。

可儼謝

賀萬祚

萬祚字孝廷嘉興人萬曆庚戌進士官至江西右布政使

周侍御行部

蘭臺使者舊知名。攬轡從容江海情。抗疏共看任伯雨。行軍還擬趙營平。五花驄馬巡周道。三輔黃圖歷漢京。不獨艱危憂水旱。前籌更欲請長纓。

高道素

道素字元期嘉興人萬曆己未進士官工部郎中以督造

挂府殿
傾論死

秋日寄沈無回

涼風起庭際。簾幙迴秋陰。一葉空階落。孤
燈獨水深。芙蓉思遠道。蟋蟀動愁吟。誰念
閒居客。能傷遲暮心。

陳鳴鶴鳴鶴字汝翔
閩人諸生

伍相祠

黃池宴罷羽書催。骨葬鴟夷櫓可林。西子
已辭吳苑去。火門忍見越兵來。春風故國

蘼蕪長落日。荒祠杜宇哀。千載忠魂何處
問。滿城兒女弄潮回。

周永年永年字安期
吳江縣學生

弔淮陰侯

一市人皆笑。三軍衆盡驚。如知真國士。元
不論群情。楚漢關輕重。英雄出戰爭。何能
避道醢。垂釣足平生。

王人鑑人鑑字德
操吳縣人

冬夜閑居

忽忽寒光早。閑居水上村。病踈當世事。負負故人恩。黃葉深樵徑。荒烟淡蕁門。憑誰論出處。短褐信乾坤。

吳稼登

稼登字翁晉。孝豐人。以例除南光祿典簿。

金陵酒肆贈茅平仲

暮年看爾壯心孤。落落酣歌擊唾壺。但數一錢憐姹女。纔誇千騎笑羅敷。梨花雨濕

紅襟燕。楊柳春藏白項烏。欲向盧家借雙槳。莫愁不是舊時湖。

宋登春

登春字應元。新河人。

秋日野望

聽鳥中林性。看雲故國心。地卑湘漢濶。天遠洞庭深。老馬空知道。窮猿豈擇林。十年書劍客。寂寞到如今。

孫友篋

友篋字伯諧。歙縣人。

過古墓

野水空山拜墓堂。松風濕翠灑衣裳。行人
欲問前朝事。翁仲無言對夕陽。

俞安期

安期字羨
長吳江人

憶家

故國千山外。經秋遠別離。浮生能幾日。為
客此多時。衰眼高堂淚。寒砧少婦悲。天涯
念游子。風雨共淒其。

望海

紛紛靈異變。昏朝陰火隨。波遠自飄龍。藏
函經連水府。蜃樓開市借雲霄。星臨東極
無分野。山入南荒有沃焦。日日潮來長應
候。似應西峇百川朝。

登祝融峰

中天積氣入清涼。雲霧翻看地混茫。兩挾
蒼龍奔下嶺。星懸朱鳥定南方。何年石匱

藏金簡自古山祇禮赤璋壇上長流青玉乳神池高捧帝臺將

何白白字无咎永嘉人

淮上歸興

淮泗秋風動地來。月明如水雁聲哀。南經伍員吹篳市北眺曹公較弩臺。歸路漸香菰米飯佳期已負菊花杯。愁聞烽火連東北極月浮雲黯未開

鄭

琰

琰字翰閩縣人。欲將閩樹折

河聲如帶。戎樓奔磧上。陰雲連塞黑。關中落日帶沙黃。劍戟已消兵。後火。觸體猶泣。戰時瘡。皆恍慨有燕趙聲。

哭李火將軍

十萬旌旗染血丹。招魂夜夜哭桑乾。殘兵夾拾中郎印。野鳥飛登大將壇。金獸鎖門嚴鼓角。石麟窺塚葬衣冠。至今俺答騎胡馬。猶是將軍舊戰鞍。

盛鳴世

鳴世字太古鳳陽人國子監生

題岳陽酒家壁

巴陵壓酒洞庭春。楚女當壚勸客頻。莫上高樓望湖水。烟波二月已愁人。

沈木

木字子喬嘉興縣學生

夜起

暑夜不成寐。起步中庭中。殘月忽墮水。明河猶在空。籬根滴清露。樹杪生微風。坐愛

新涼好。先秋有候蟲。

殘月忽墮水二語是夜起雞聲茅店月二

語是曉行各入神妙

王

屋

屋字孝峙嘉善人

子夜歌

千金買良玉。百金求良工。為儂作雙環。相連無始終。

妾身妾自惜。君心君自知。莫將後日情。不如初見時。

吳夢暘

夢暘字允兆歸安人

送胡孟弢邑博之沅江

攜手情無極。茫茫此別何。一官猶俎豆。滿地已干戈。畏路身難定。騷人怨自多。堪寥落思木葉。洞庭波。

范

范字東生烏程人

琴川夜泊懷孫齊之

野宿次鳧鷖。青青荻箭齊。潮痕隨月落。山勢壓城低。殘夢風前杳。歸心曙後雞。還知高隱處。只隔水東西。

春日訊吳允兆

遠樹微波黯不分。闔閭城畔寄孤雲。春來儘有還鄉夢。除却青山便是君。

吳

兆字非熊休寧人

同曹學佺過宿碧峰寺愚公房

入寺昏烟斂。雙橋竹澗通。僧歸殘磬裡。客

夢亂山中燈暗窓沾雨。枝喧鳥隨風。他鄉

寥落夜語笑喜能同。戊子春宿寒山空谷

中句之妙

徐焞字興公 閩縣人

送俞本之遊楚

寒臯木落水連天。雲際孤城望漢川。隔岸

數聲湘女瑟。中流千里鄂君船。鷓鴣夜叫

黃陵月。猿狖秋啼赤壁烟。挾得離騷經一

卷行吟長對楚江邊。

送康元龍之靈武

賀蘭山下戰塵收。君去征途正值秋。落日

故關秦上郡。斷烟殘壘漢靈州。胡兒射獵

經河北。壯士吹笳恣隴頭。城窟莫教頻飲

馬。水聲嗚咽動鄉愁。

黃河官路黑山程。羌笛橫吹漢月明。漠北

烽烟三里霧。隴西鼙鼓十年兵。燕鴻度塞

寒無影胡馬行沙暗有聲後夜思君勞遠
夢朔風吹過白登城

文震孟

震孟字文起長洲人天啓壬戌賜進士第一授翰林修撰

忤逆闖鑄級歸崇禎初復原官歷仕至禮部侍郎東閣大學士卒謚文肅

擬古遠行

江之陽兮有嶼江之陰兮有渚朝而風兮
夕而雨望夫君兮渺何許春波兮悠悠日
暮兮夷猶擘青桂兮為楫塞木蘭兮為舟

况含思兮凝涕乘清風兮遠遊遠遊兮上
下載行兮載舍遵中流兮待君將寄心於
遠者

徐石麟

石麟字寶摩嘉興人天啓壬戌進士除工部主事崇禎初

起補南禮部歷吏部尚書乙酉城陷自經可經堂

望匡廬

突兀此何處匡君廬亘天代黛浮五老壁青
入九江船慧遠林中寺康王谷口泉符生

今已老誰與買山錢

倪元璐

元璐字玉汝上虞人天啓壬戌進士改庶吉士官至禮部

尚書翰林學士京師隘自縊初謚文正定謚文貞

皇極門頌歷作

鳳闕開彤旭。猊爐散紫烟。六階齊度緯。七
政轉璣璿。甲歷龍躔改。寅賓象魏懸。明時
功在革。資始義承乾。黑帝威初試。青皇位
早傳。周官新月令。甘氏舊星篇。人繼義和

後書成。冀莢前。庚先三日戒。貞下一元旋。
圖籙符垂赤。千支德應元。興王惟有歲。大
史又編年。賜出黃星曜。披看綠字鮮。因知
天歷數。如日起虞淵。

蔣

燦

燦字韜仲崇禎戊辰會魁官至天津兵備

題杜少陵像

誰貌杜陵老。憂懷筆底傳。凋殘悲瘦馬。慷
慨拜啼鵑。作客依江閣。浮家寄楚船。高才

同。獲。落。千。古。有。青。蓮。

大雅長往矣。遺容後代看。萬間思廣廈。一
諫失微官。抗志隆中對。饑驅蜀道難。蕭騷
兩鬢白。應為憶長安。

徐 汧 汧字九一長洲人崇禎戊辰
進士官至少詹事家居殉節
死

二月十九日

珍饌精饈賜講筵。每逢令節主恩偏。十章

書未陳金鑑。九逝魂猶戀細旃。社稷風雲
誰奏曲。園林霜露已經年。龍髯回睇橋山
遠。玉匣珠襦不忍傳。

萬壽祺 壽祺字年少徐州
人崇禎庚午舉人

入沛宮

泗亭春盡樹婆娑。漢帝宸遊不再過。魂魄
有時還至沛。樓臺落日半臨河。風吹大澤
龍蛇近。天入平沙雁鷺多。我亦遠隨黃綺

去東山重唱采芝歌

贈胡彥遠

河渚經營把釣綸。乾坤草莽一閑身。南陽高卧真名士。東漢餘生舊黨人。十載荃蘅同入夢。三冬冰雪獨傷神。荷鉏歸去田廬閉。莫向人間學問津。

馬世奇

世奇字君常。無錫人。崇禎辛未進士。改庶吉士。官至翰林院侍講。京師陷。自縊。初謚文忠。定謚文肅。

贈曹元宰守漳州

靈槎秋泛海天涼。五夜心懸燕寢香。總為至尊憂社稷。漢臣何必薄淮陽。溫柔敦厚

楊廷麟

廷麟字伯祥。清江人。崇禎辛未進士官。終編修。死節。贛州。

別葉侍御

渾水橋邊寺北田。行滕東去雨連縣。桑村古渡沙移路。茅屋人家鳥就烟。江左衣冠悲楚澤。淮西烽火接秦川。更聞郡盜郊原

遍欲下潯陽萬里船。茅屋句寫盡荒涼不減江燕初歸不見人

張溥溥字天如太倉州人崇禎辛未進士改庶吉士

孟門行

雙絲繫玉環宛轉生光澤。本以結同心。何知反棄擲。君家美酒琥珀光。紅顏少年空滿堂。酒酣意氣不可當。君家玉堂盛孟門。孟門深谷無朝昏。中有美人嘯且歌。仁義

結客客自多。相與醉君金。巨羅黃省銜環。報舊主畏君。彈射遠飛去。夜深孤棲城北。

樹夜深孤棲餘情不盡忠愛之心故應如是

姜采採字如農萊陽人崇禎辛未進士官禮科給事中

廷杖削籍成宣城

赴戍宣州衛

垂死承恩譴。天威咫尺間。荷戈荒徼去。收骨瘴江還。哀職猶思補。龍髯竟絕攀。橋陵

千滴淚獨在敬亭山。淡痕血點垂胸臆。荒徽瘴江未合宣州。

顧咸正咸正字端木崑山人崇禎癸酉舉人除延安推官殉節死

登華山

倚杖高臺萬里秋。山川元氣共沉浮。金神法象三千界。玉女明妝十二樓。井鉞參旗皆北拱。濁河清渭自東流。愁看殺氣關中滿。獨立南峰最上頭。

陳宗之宗之字玉立長州人崇禎癸酉舉人

漢道

漢道昔云季。四海沸群雄。賢士失網維。奔竄投西東。管寧棲遼海。田疇隱無終。鄭元與王粲。各自獲所從。如何盛明世。栖栖泥淖中。雨雪積荒塗。渚田路不通。寧無北門嘆。要自秉固窮。疾耕寡樂郊。仕官乏奇功。乾坤雖浩廣。何地置吾躬。愴惻衡門下。憂來溯悲風。

謝

遶

遶字彙先宜與人
崇禎癸酉舉人

巴女祠

巴川積水極岷峨。巴女明妝艷綺羅。為語
秋江風浪急。斷腸休唱木蘭歌。

吳本恭

本恭字美子仁和人崇禎甲
戌進士官南京禮部郎中

帝京篇

崇禎元年作

夢想黃京臺。來歌白石粲。明明聖人出。旭
日天方旦。旦廣殿飭梓材。神霄聳輪奐。微垣

妖彗消芝蓋。卿雲縵三吳。罷機杼。九廟秉
珪璫。下國頌時雍。至尊理宵旰。宵旰懷殷
憂。籌邊寢弛玩。軍需飛檄催。水衡仰屋嘆。
大奸已距脫。群疑未冰泮。漸鴻雖可儀。羔
羊不聞讚。名盛實則衰。事倍功乃半。因之
勅幾康。匪伊游泮渙。君既勤晝接。臣當思
日贊。朝中去朋黨。政府參謀斷。網必挈其
綱。繩先理其亂。求治毋太速。防微勿滋蔓。

所期日月光幽遐理必貫思陵初政寔有可觀孤疑瑣屑

仍任奄人而臣工池池朋黨連結此後日事也詩中思患豫防具有灼見

萬泰泰字履安鄞縣人崇禎丙子舉人

留別董西來

客途相見即相親。總是淒涼夢裡人。且喜何郎能似舅。不妨綺季未稱臣。睢陽城上三生淚。無定河邊後死身。惆悵天涯分手處。秋高一雁落江津。

閻爾梅爾梅字用卿江南沛縣人崇禎丙子舉人。詩有奇氣每

近粗豪茲擇其尤雅者

重過兗州

亭長臺西舊酒徒。踈狂名姓滿江湖。每從世外尋高蹈。不識人間有畏途。季札重來周樂散。奚斯一去魯宮蕪。高樓極目誰同醉。正月愁聽有蟪蛄。

劉永錫永錫字欽爾魏縣人崇禎丙子舉人官長州儒學訓導革

命後隱於陽城湖之濱窮餓死

行路難

雲漫漫兮白日寒。天荆地棘行路難。四字抵過

千萬言

陳子龍字人中更字卧子青浦人崇禎丁丑進士官兵科給

事中殉節死。詩教之衰至於鍾譚

刺極將復之候也。黃門方闢榛蕪上

追先指厥功甚偉而責備無已謂仍

曜靈

曜靈天子遇旱而憂。省獄減刑。兩以

時降。詩人美之也。

曜靈維陽。杲杲麗天。爰自東作。火見於昏。

天之薦瘥。蘊隆如焚。皇曰予冀。方邦畿所

安。廢我來牟。北民孔艱。一章早之始盛。維塵

冥冥。早既太甚。百卉具零。豈降自天。胡德

非馨。曾是有象。恭。曾是有讒。慝。曾是有詭。

隨曾是有培。克章二爰命宗伯。大雩孔明爰
 命徹侯于郊。于宗以爾幣玉。及爾斯牲。方
 社虎周山川用享。叶振古率育。胡遘予不
 寧。章三巍巍薊邱。維君宅之翼翼。皇心維天
 繹之。禮莫不展。來饗來格。膳宰既徹。鏞鼓
 既釋。凡百君子。勗爾無斁。章四皇曰。司寇維
 刑。世重世輕。朕聖姦宄。或愆于平。悍陽驕
 驕。憂我黎氓。乃清岸獄。乃釋累囚。肆赦時

夏或歌且謳。倬彼燕山。出雲油油。終朝彌
 野。既舒既柔。既霑既優。田畯語語。樂我士
 女。以育我稷黍。皇王布惠。天錫純嘏。

仲夏直左掖門送夏彛仲南歸

金塘迴素波。中有雙鴛鴦。托身在清禁。和
 鳴君子旁。顧此同林鳥。孤翼忽南翔。生平
 志忼慷。何事獨難忘。本為四海人。豈得常
 相將。丈夫重知己。萬里同一鄉。黽勉效貞

亮德輝在巖廊。莫憂青蠅多。和璧貴善藏。執手不能語。悵矣結中腸。

雜詩

山椒微風發。薄暮遲佳人。頽陽淡林表。素月生河津。佇立懷往路。時宴多苦辛。君家青雲樓。瑤華艷當春。皋蘭亦有芳。欲寄良無因。歡愛豈足重。要使恩誼申。浮雲誠易阻。白璧終見珍。

至道無相非。末流乖心跡。高懷苟不亮。執誼日以積。賢隨貴同用。愚與賤交役。騰名自有階。投讒豈無隙。營營棘上蠅。可以攜金石。履純思寡尤。超方鮮奇策。毀譽苟未忘。顧影慙跼蹐。

墓門有惡木。鴟鴞巢其巔。同茲雨露潤。不與百卉妍。性質固自殊。大造安能遷。我行適見之。中心懷憂悵。利斧雖在手。斬伐無

此權去去保芳潔。願言藝蘅荃。手無斧柯

平陵東

炎精中燼妖慧紅。平陵松柏生秋風。四十
萬人頌符命。巨君却在層城宮。東郡太守
建旗鼓。排山動地連關輔。五威國將紛東
馳。大誥金勝亦何補。汚宮薦棘雖無成。天
下始知稱漢兵。不逢時會豈失策。猶與宛
洛開先聲。斗柄橫斜漸臺感。白水真人坐

黃屋逢萌東。帛卓茂封義公。碧血無人哭。
男兒何必上雲臺。千古徒悲兩黃鵠。義公
兵更難於勝廣之開漢祖而光武之封
不及何也不以成敗論人具有卓識

小車行

小車斑斑黃塵晚。夫為推婦為挽。出門何
所之。青青者榆。療吾飢。願得樂土共哺糜。
風吹黃蒿望見牆。宇中有主人。當飼汝。吓
門無人室無金。躑躅空巷淚如雨。寫流人
情事恐

鄭監門亦不能繪

寄獻石齋先生

烈風蕭條吹百羽。朱鳳歲蕤遶南土。羅爵
 如雲不見天。秦人高歌楚人舞。出門不向
 妻子辭。八尺銀鑄五色組。虎鬚較尉紅錦
 裘。峨舸大艫下江舟。蛟龍鬣鬣黃沙卧。日
 月冥冥青楓秋。赭衣墨幘安魚服。子亦相
 逢淮水曲。京華時事不足論。慘淡相看日

彌促。鎌刃誰留門外蘭。庖廚肯恕山中鹿。
 可憐舉世學浮沉。燭龍迴照杳難尋。蒼茫
 不解時人意。愛護還憑明主心。我有短札
 置懷袖。安能一矢千金。平生風義兼師
 友。陳蔡相從但鼓琴。此石齋被逮黃門
 遇之淮南而作
 閭闔門開翡翠城。鳳凰十二相和鳴。碧血
 一灑王階裂。驚雷急電何時平。門生往往
 自引匿。故吏不復相通名。賈彪奔走何側

足曹鸞上書翻桎梏。鈞黨幾入甘陵部。相
 將同入黃門獄。緋衣獄吏行生風。黃封小
 匣排當中。更番榜掠不知數。但稱汝罪如山
 崇。小臣萬死不足惜。聖德如天輝典冊。
 帶血晨興寫孝經。裏瘡夜卧編周易。爰書
 一旦下高天。薄譴由來湘水邊。萬里聞聲
 頌明聖。漢廷有待賈生還。
此述石齋自詔
 獄得成酉陽而

作帶血晨興寫孝經
 二語自是當時實事

交河

烏啼征馬動。曙色散溽沱。海氣通三島。天
 風靜九河。沙平邊草斷。日澹塞雲多。百里
 無烟火。空林枉自過。

廬居

行遯山河改。歸來松菊荒。尚餘三畝宅。無
 復萬家旁。祈死煩宗祝。偷生愧國殤。但依
 親隴在。含笑此高岡。

襄陽

江漢西陸重。荆襄南紀雄。諸侯悲峴首。耆
舊失隆中。燧色通秦塞。妖星下楚宮。不知
大隄女。何處舞春風。

雜感

大河南北望。萬里入春愁。車馬空官渡。風
烟滿豫州。黃巾連戶著。白骨少人收。自古
中原地。應煩聖主憂。

兵戈傳劍外。消息每差池。已失夔門險。誰
言蜀棧危。雪山寒鼓角。玉壘暗旌旗。天子
頻西顧。元臣實總師。此楊嗣昌總師時也
夔門失而蜀道不可
守矣喪師辱國
伊誰之咎哉

送張玉筍中丞擢河道少司空隨

召陞見

舊聞開府靜牙璋。詔領河隄入未央。周室
保釐分邾郛。漢家底績念宣房。九天星宿

開秦塞。萬里梯航走冀方。為語至尊南顧日。不堪重問海陵倉。典切

酬李司馬萍槎先生

久瞻樞府重明光。投我連城雲錦章。傷亂已聞劉太尉。賞音深愧蔡中郎。九龍移帳春無草。萬馬窺邊夜有霜。早晚滄江驚驛使。詔書先問右賢王。

錢唐東望有感

清溪東望大江迴。立馬層崖極望哀。曉日四明霞氣重。春潮三折浪雲開。禹陵風雨思王會。越國山川出霸才。依舊謝公携屐處。紅泉碧樹待人來。

送吳巒穉司李桂林

翡翠巢邊匹馬過。千盤桂嶺鬱嵯峨。南浮灕水啼猿滿。北望君山落雁多。蠻府官間能作賦。漢廷恩近憶鳴珂。愁心獨繫張平

子。欲寄瑯玕奈遠何。

重遊弇園

放艇春寒島嶼深。弇山花木正蕭森。
 左徒舊宅猶蘭圃。中散荒園尚竹林。
 十二敦槃誰狎主。三千賓客半知音。
 風流搖落無人繼。獨立蒼茫異代心。

今弇園一帶廢為民居矣。讀此不勝時代之感。

